



UNIVERSITÄTS-  
BIBLIOTHEK  
PADERBORN

**Veritates Christianæ Qvæ Modvm Exhibent Benè Vivendi  
Et Benè Moriendi**

**Balde, Hendrik**

**Ipris, 1689**

69. Cap. Bonis exemplis lucramur animas.

---

---

**Nutzungsbedingungen**

[urn:nbn:de:hbz:466:1-56447](https://nbn-resolving.org/urn:nbn:de:hbz:466:1-56447)

tionibus nostris æternæ subduxerimus damnationi, nobis è vitâ migrantibus læto & grato animo occurrent, futuri comites in cælum, quod Patri *Edmundo Augerio* Societatis *JESU* Religioso innumeri præstitère parvuli, quos olim doctrinâ Christianâ accuratè sollicitèque excoluerat.

Magni igitur æstima parvulorum animas, pro quibus unigenitus Dei filius pretiosum suum sanguinem profudit.

## CAPVT LXIX.

*Bonis exemplis lucratur animas.*

**A**lphonsus *Rodrigues* Societatis *JESU* Religiosus janitoris officium tantâ obiabat modestiâ, & morum compositione, ut quadragintâ circiter annorum spatio quadringentos studiorum alumnos ad Religiosum statum amplectendum permoverit.

Qui sincero animarum ardet zelo, varias libenter suffert molestias, seque non gravatè commodis privat, eo consilio, ut ne proximo peccandi præbeat occasionē.

*Si esca, inquit S. Paulus Scandalizat fratrem meum, non manducabo carnem in æternum.*



*atetnum, ne fratrem meum scandalizem; ac si diceret, ne unquam mihi ex probretur, causam exstitisse me sempiternæ ruine fratris mei, pro quo CHRISTUS mortuus est.*

Hoc altè insideat animis vestris, ô Patres & Matres, qui vitam non ducitis Christianis moribus consentaneam; satius esset liberos vestros in lucem nunquam susceptos fuisse: non enim, nisi ut æternâ plectantur morte vitam illis dedisse videmini.

Malum exemplum longè plures destruit ad inferos, quàm bonum unquam adduxerit in cælum.

Si flebiles damnatorum voces in terrâ possent exaudiri, vix esset invenire, qui non suspirans ingeminarer. hic, vel hæc, damnationis meæ extitit causa.

Inimicos diligere jubemur; quid ergo animas, quæ nobis nihil mali unquam intulêre, in æternâ præcipitamus mortem? quid à JESU-CHRISTO sperandum nobis relinquitur; postquam ei suffurati sumus id, quod infinito redemit pretio.

*Væ inquit, homini illi, per quem scandalum venit. Pro tantis reus, exclamat Salvianus, quantos secum traxerit in reatum.*